

ADDYSG UWCH: POLISI FFIOEDD DYSGU LLAWN AMSER 2020/21

Os ydych yn cofrestru fel myfyriwr, dylech ddarllen a deall y telerau cofrestru a amlinellir isod cyn llofnodi'r ffurflen gofrestru. Mae'n arbennig o bwysig eich bod yn deall eich atebolrwydd a'n polisi ynglŷn â thaliadau ac ad-daliadau.

Ceir rhestr lawn o ffioedd dysgu'r Coleg yn Atodiad 1. Bydd myfyrwyr nad ydynt wedi sicrhau cymorth gan Gyllid Myfyrwyr Cymru yn atebol yn bersonol ar gyfer talu'r holl ffioedd dysgu.

MYFYRWYR LLAWN AMSER NEWYDD

Gall myfyrwyr llawn amser wneud cais am Fenthyciad Ffioedd Dysgu hyd at £9000 i gyflenwi cost eu ffioedd dysgu. Bydd hyn yn amodol ar feini prawf cymhwyster.

Hefyd gall myfyrwyr llawn amser gael cymorth ariannol ar gyfer costau byw. Mae'r cymorth ar ffurf cyfuniad o grantiau a benthyciadau (yn dibynnu ar gymhwyster). Rhaid i fyfyrwyr fod dan 60 oed ar ddiwrnod cyntaf blwyddyn academiaidd gyntaf eu cwrs i gael mynediad i fenthyciad cynhaliaeth israddedig. Gall myfyrwyr llawn amser fod yn gymwys ar gyfer hyd at £9,810 y flwyddyn tuag at eu costau byw os ydynt yn byw i ffwrdd o gartref. Bydd pob myfyriwr cymwys yn derbyn grant o isafswm £1,000 waeth beth fo incwm y cartref. Mae'n bosibl y bydd myfyrwyr o gartrefi incwm is yn gymwys i gael grant hyd at £8,100 nad yw'n ad-daladwy.

Yn ogystal gall myfyrwyr wneud cais am fwrsariaethau Coleg (gweler Atodiad 2), Cronfa Galedi'r Coleg (Atodiad 3) ac efallai y byddant yn gymwys ar gyfer ystod o gymorth ychwanegol os oes ganddynt blant, oedolion dibynnol, anabledd neu gyflwr iechyd.

CYLLID MYFYRWYR CYMRU

Caiff yr holl geisiadau am fenthyciadau a grantiau eu trin gan Gyllid Myfyrwyr Cymru. Gellir dod o hyd i wybodaeth fanwl ynghylch sut i wneud cais a pha gymorth sydd ar gael yn: studentfinancewales.co.uk **Ffôn: 0300 200 4050**

Dylai'r holl fyfyrwyr llawn amser sydd fel arfer yn byw yn Lloegr wneud cais am gymorth trwy Student Finance England gan fod cymorth ffioedd dysgu gwahanol ar gael **Ffôn: 0845 300 5090**

Os ydych chi fel arfer yn byw yn un o wledydd yr Undeb Ewropeaidd (**ac eithrio** Lloegr, Yr Alban neu Ogledd Iwerddon), a'ch bod yn astudio yng Nghymru, rydych yn gymwys ar gyfer yr un benthyciad ffioedd a'r pecyn grant ffioedd â myfyrwyr llawn amser sydd fel arfer yn preswyllo yng Nghymru. Bydd ceisiadau ac asesiadau am gymorth gyda ffioedd dysgu yn cael eu trin gan Dîm Gwasanaethau Cyllid Myfyrwyr nad ydynt yn fyfyrwyr o'r DU a leolir yn Darlington. Os oes gennych unrhyw ymholiadau cysylltwch â nhw'n uniongyrchol ar **(+44) (0) 141 243 3570**

TALU FFI OEDD AC ATEBOLRWYDD

Eich cyfrifoldeb chi yw sicrhau bod gennych gyllid digonol yn ei le cyn eich bod yn dechrau ar eich astudiaethau ac yn mynd i gostau ffioedd.

Er mwyn sicrhau bod unrhyw gyllid yr ydych yn ei hawlio yn cael ei dalu i chi'n brydlon mae'n hanfodol eich bod yn rhoi gwybod i Gyllid Myfyrwyr Cymru/Student Finance England eich bod yn mynychu'r Coleg cywir. Mae Coleg Sir Gâr ac Ysgol Gelf Caerfyrddin yn rhan o Grŵp Prifysgol Cymru: Y Drindod Dewi Sant. At ddibenion ffioedd rhaidd i chi ddyfynnu: **Prifysgol Cymru: Y Drindod Dewi Sant** ar eich holl ffurflenni wrth ddewis eich sefydliad a Choleg Sir Gâr wrth ddewis lleoliad eich astudiaeth.

Gofynnir i fyfyrwyr llawn amser ddarparu prawf o'u cyllid adeg cofrestru. Os ydych yn parhau i fod yn y broses o hawlio cymorth gofynnir i chi ddarparu'r wybodaeth sy'n ofynnol o fewn y 28 diwrnod sy'n dilyn. Os ydych yn dal i fod heb ddarparu'r wybodaeth hon cewch eich anfonebu'n llawn am eich ffioedd er mwyn sicrhau eich bod yn ymwybodol o'ch atebolrwydd i'r Coleg am eich ffioedd. Os ydych yn bwriadu talu eich ffioedd eich hun, gofynnir i chi dalu traean eich ffioedd adeg cofrestru, a chwblhau Gorchymyn Debyd Uniongyrchol ar gyfer y gweddi.

TYNNU NÔL AC AD-DALIADAU

Os ydych yn meddwl am roi'r gorau i'ch cwrs mae'n bwysig eich bod yn ceisio cyngor ar y cyfle cyntaf er mwyn sicrhau eich bod yn ymwybodol o'r holl oblygiadau wrth wneud eich penderfyniad. Rhaidd i chi hysbysu'ch tiwtor a'r Gofrestrfa yn ffurfiol ar unwaith os ydych yn penderfynu tynnu nôl o'ch astudiaethau neu eu gohirio, gan gadarnhau dyddiad olaf eich presenoldeb. Dylech hefyd gysylltu â Chyllid Myfyrwyr Cymru oherwydd gallai'r ffaith eich bod wedi tynnu nôl beryglu eich hawl i gael cymorth ariannol yn y dyfodol.

Rhoddir cyfnod gras o bythefnos o ddechrau eich cwrs pan na chodir ffioedd. Yn dilyn y cyfnod gras o bythefnos bydd y telerau canlynol yn gymwys ar gyfer taliadau, yn unol â thelerau ac amodau Benthyciadau Myfyrwyr, sef:

Tymor 1 – 5 Hydref 2020	25% o'r ffi blynyddol
Tymor 2 – 5 Ionawr 2021	50% o'r ffi blynyddol
Tymor 3 - 12 Ebrill 2021	100% o'r ffi blynyddol

METHU Â THALU FFI OEDD

Os ydych chi ar unrhyw adeg yn cael problemau wrth dalu ffioedd, siaradwch â'ch tiwtor neu ewch i geisio cymorth gan staff Cefnogi Dysgwyr sydd wedi'u lleoli ar eich campws.

Ni chaniateir i unrhyw fyfyrwr sy'n cwblhau blwyddyn academiaidd heb dalu ffioedd i ailgofrestru ar gyfer y flwyddyn academiaidd nesaf, hyd nes telir yr holl ffioedd sy'n weddill yn llawn. Gall methu â thalu am unrhyw gostau nwyddau neu wasanaethau a godir arnoch

gan y Coleg arwain at gymryd camau Llys Sirol i adennill y swm/symiau sy'n weddill. Gellir hefyd defnyddio Asiantaethau Adfer Dyledion annibynnol i geisio casglu unrhyw ffioedd sy'n weddill, gyda chost gwneud hynny yn cael ei hychwanegu i'ch dyled. Os bydd angen gweithredu yn y modd hwn, gellir defnyddio Gwybodaeth Bersonol a ddarparwyd gennych er mwyn cwblhau gwiriadau gwrth-dwyll priodol. Mae'n bosibl y caiff Gwybodaeth Bersonol a ddarperir gennych ei datgelu i asiantaeth cyfeiriadau credyd neu atal twyll, ac mae'n bosibl y cedwir cofnod o'r wybodaeth honno.

Atodiad 1

TALIADAU FFI OEDD DYSGU A CHOFRESTRU ADDYSG UWCH	
<i>Myfyrwyr Cartref a'r UE yn unig</i>	
Israddedig Llawn amser	
Cwrs	Ffi
HND, Gradd Sylfaen, BSc neu BA (Pob blwyddyn)	£ 9,000
BSc a BA (50% A addysgir/50% blwyddyn rhyngosod)	£ 5,400
BSc a BA Blwyddyn Rhyngosod	£ 1,800

Atodiad 2

BWRSARIAETHAU ADDYSG UWCH AR GYFER MYFYRWYR LLAWN AMSER: 2020/21

Myfyrwyr Newydd – myfyrwyr blwyddyn gyntaf (Heb fod yn seiliedig ar brawf modd)

Mae'r bwrsariaethau hyn ar gael i Fyfirwyr Newydd llawn amser – h.y. myfyrwyr blwyddyn gyntaf sy'n byw yn y Gymuned Ewropeaidd ac sy'n cofrestru ar Gwrs Addysg Uwch Llawn amser yn y Coleg (h.y. Gradd, Gradd Sylfaen neu HND) ac sy'n dal i fynychu ar 1 Chwefror 2021.

Mae arian y bwrsariaethau hyn yn gyfyngedig - felly po gynharaf y gwnewch gais, gorau i gyd fydd eich siawns o gael un. Fel arfer bydd myfyrwyr yn gymwys ar gyfer hyd at un fwrsariaeth goleg yn unig.

Gallwch wneud cais yn awr gan ddefnyddio'r ffurflenni sydd ar gael ar y wefan a byddwn yn anfon cadarnhad o'ch cymhwysedd atoch. Ni dderbynnir ceisiadau ar ôl 1 Tachwedd 2020. Mae pob bwrsariaeth yn amodol ar eich bod yn bodloni gofynion mynediad, rheolau a rheoliadau'r Coleg.

Bwrsariaeth Dilyniant Mewnol - £1000

Mae hon yn daladwy mewn dau randaliad ym mis Mawrth 2021 a mis Mehefin 2021 i fyfyrwyr sydd wedi symud ymlaen yn fewnol o gwrs lefel 3 yng Ngholeg Sir Gâr / Coleg Ceredigion. Mae rhaid bod myfyrwyr wedi ymgeisio trwy UCAS a bydd angen iddynt ddyfynnu eu rhif UCAS.

Bwrsariaeth Dilyniant Ysgolion Partner - £300

Mae hon yn daladwy ym mis Mawrth 2021 i fyfyrwyr a symudodd ymlaen yn 2020 o ysgol bartner gydnabyddedig, h.y. Ysgol y mae'r Coleg yn cydweithio â hi fel rhan o'r Rhwydwaith 14-19 neu o raglenni ym Mhrifysgol Cymru: Y Drindod Dewi Sant.

Bwrsariaeth Ymadawyr Gofal - £500

Mae hon yn daladwy ym mis Mawrth 2021 i fyfyrwr sydd wedi bod yng ngofal yr awdurdod lleol yn flaenorol.

Bwrsariaeth Astudio drwy gyfrwng y Gymraeg - £500

Mae hon yn daladwy ym mis Mehefin 2021 i fyfyrwr sy'n cwblhau o leiaf un modiwl o'u blwyddyn gyntaf drwy gyfrwng y Gymraeg.

Bwrsariaeth Gofal Plant - £500

Mae hon yn daladwy ym mis Mawrth 2021 i fyfyrwr sy'n rhieni â dibynnyddion (o dan 16 ac mewn addysg lawn amser) sy'n byw yn yr un cyfeiriad â nhw.

Bwrsariaeth Cwblhad Llwyddiannus - £300

Mae hon yn daladwy ym mis Mehefin 2021 i fyfyrwr sy'n cwblhau eu **hasesiadau blwyddyn gyntaf** (heb unrhyw gyfeirio) ac sy'n symud ymlaen i ail flwyddyn eu Cwrs Addysg Uwch llawn amser yn y Coleg (h.y. Gradd, Gradd Sylfaen neu HND).

Bwrsariaeth Cludiant Tocyn Teithio - £300

Bydd hon yn talu am bas bws gwerth £300 i'r myfyrwyr hynny sydd ag anawsterau penodol yn ymwneud â chludiant. Bydd cludiant ar gael ar brif lwybrau teithio'r Coleg yn unig ac ni ddarperir cerbydau i gludo myfyrwyr i brif lwybrau teithio'r Coleg

Myfyrwyr yr ail a'r drydedd flwyddyn – h.y. myfyrwyr sy'n parhau (Heb fod yn seiliedig ar brawf modd)

Mae nifer gyfyngedig o fwrsariaethau ar gael i fyfyrwyr yr ail a'r drydedd flwyddyn, sy'n byw yn y Gymuned Ewropeaidd ac sydd wedi cofrestru ar Gwrs Addysg Uwch llawn amser yn y Coleg (h.y. Gradd, Gradd Sylfaen neu HND) ac sy'n dal i fynychu ar 1 Chwefror 2021

Gallwch wneud cais yn awr gan ddefnyddio'r ffurflenni sydd ar gael ar y wefan a byddwn yn anfon cadarnhad o'ch cymhwysedd atoch. Ni dderbynnir ceisiadau ar ôl 1 Tachwedd 2020. Mae pob bwrsariaeth yn amodol ar eich bod yn bodloni gofynion mynediad, rheolau a rheoliadau'r Coleg.

Mae **arian** y bwrsariaethau hyn yn **gyfyngedig** - felly po gynharaf y gwnewch gais, gorau i gyd fydd eich siawns o gael un. Fel arfer bydd myfyrwyr yn gymwys ar gyfer hyd at un fwrsariaeth goleg yn unig.

Bwrsariaeth Cwblhad Llwyddiannus ar gyfer yr ail flwyddyn - £300

Mae hon yn daladwy ym mis Mehefin 2021 i fyfyrwyr sy'n cwblhau eu hasesiadau ail flwyddyn (heb unrhyw gyfeirio). Ar gael i fyfyrwyr ail flwyddyn yn unig.

Bwrsariaeth i Ymadawyr Gofal - £500

Mae hon yn daladwy ym mis Mawrth 2021 i fyfyrwr sydd wedi bod yng ngofal yr awdurdod lleol yn flaenorol.

Bwrsariaeth Astudio drwy gyfrwng y Gymraeg - £500

Mae hon yn daladwy ym mis Mehefin 2021 i fyfyrwyr sy'n cwblhau o leiaf un modiwl o'u hail neu drydedd flwyddyn drwy gyfrwng y Gymraeg.

Bwrsariaeth Gofal Plant - £500

Mae hon yn daladwy ym mis Mawrth 2021 i fyfyrwyr sy'n rhieni â dibynnyddion (o dan 16 ac mewn addysg lawn amser) sy'n byw yn yr un cyfeiriad â nhw.

Bwrsariaeth Cludiant Tocyn Teithio - £300

Bydd hon yn talu am bas bws gwerth £300 i'r myfyrwyr hynny sydd ag anawsterau penodol yn ymwneud â chludiant. Bydd cludiant ar gael ar brif lwybrau teithio'r Coleg yn unig ac ni ddarperir cerbydau i gludo myfyrwyr i brif lwybrau teithio'r Coleg

Bwrsariaeth Blwyddyn Rhyngosod - £300

Mae hon yn daladwy ym mis Mawrth 2021 i fyfyrwyr sy'n ymgymryd â blwyddyn rhyngosod gydnabyddedig fel rhan o'u rhaglen.

SUT I WNEUD CAIS

Gwnewch gais ar gyfer bwrsariaeth gan ddefnyddio'r ffurflenni sydd ar gael ar ein gwefan. Gall eich tiwtor Addysg Uwch neu'ch swyddfa gampws leol helpu gyda hyn.

Neu anfonwch e-bost/ffoniwch

Heledd Edwards 01554 748383 neu heledd.edwards@colegsirgar.ac.uk

Atodiad3

CRONFA GALEDI ADDYSG UWCH: MYFYRWYR LLAWN A RHAN-AMSER: 2020/21

Mae hon yn ffynhonnell ychwanegol o gymorth ariannol ar gyfer unrhyw fyfyrwr sydd wedi cael Benthyciad Myfyriwr (os yw'n gymwys) ac sy'n profi caledi ariannol. Rhaid i ymgeisydd hefyd ddangos ei fod ef/hi wedi edrych ar bob ffynhonnell ariannu arall, gan gynnwys ei ddarpariaeth gorddrafft, cyn y gellir ystyried cais.

Mae cymorth ariannol ar gael i unrhyw fyfyrwr yn y Deyrnas Unedig neu'r Undeb Ewropeaidd sy'n astudio o leiaf cyfwerth â 50% o gwrs llawn amser. Gall myfyriwr wneud cais am gyllid ar unrhyw adeg yn ystod y cwrs a gall ail-ymgeisio os yw mewn trafferthion ariannol. Fel rheol, nid oes angen ad-dalu arian. Am fwy o wybodaeth cysylltwch â:

<p>Y GRAIG Debbie Williams 01554 748036 Coleg Sir Gâr, Campws y Graig, Heol Sandy, Llanelli SA15 4DN ✉debbie.williams@colegsirgar.ac.uk</p>	<p>RHYDAMAN Jamie Davies ☎01554 748305 Coleg Sir Gâr, Rhydaman, SA18 3TA ✉jamie.davies@colegsirgar.ac.uk</p>	<p>PIBWRLWYD/FFYNNON JOB/Y GELLI AUR Ann Thomas ☎01554 748070 Coleg Sir Gâr, Campws Pibwrlwyd, Caerfyrddin SA31 2NH ✉filipe.nunes@colegsirgar.ac.uk</p>
<p>ABERTEIFI Caryl Rockley ☎01239 612032 Coleg Ceredigion, Aberteifi, Maes y Parc, Aberteifi SA43 1AB ✉caryl.rockley@ceredigion.ac.uk</p>	<p>ABERYSTWYTH Meuris Lewis ☎01970 639700 Coleg Ceredigion Campws Aberystwyth Llanbadarn Fawr Aberystwyth SY23 3BP ✉meuris.lewis@ceredigion.ac.uk</p>	